

<><><><><><>

Headlines

- भारत ते श्रीलंका नै दपक्खी सरबंधें गी बढावा देने लेई रक्षा, उर्जा ते बपार दे खेत्तरें च महत्वपूर्ण समझौते कीते न। श्रीलंका दे राष्ट्रपति होरें प्रधानमंत्री नरेन्द्र मोदी होरें'गी अपने सभनें दे उच्चे सम्मान – मित्र विभूषण कन्नै सम्मानित कीता ऐ।
- गृह मंत्री अमित शाह होर खित्ते च सुरक्षा हालात दा जायजा लैने लेई जम्मू–कश्मीर दे त्रै दिनें दे दौरे तैहत कल जम्मू पुज्जडन। उं'दे इस दौरे लेई सभ्मै लोड़चदे बंदोबस्त करी लैते गेदे न।
- मंत्री सकीना इत्तू होरें आरक्षण नीति दे सरबंधै च बनी दि'ए चैंताएं गी पारदर्शिता ते संजीदगी कन्नै हल करने दी सरकार दी वचनबद्धता गी फही पक्का कीता ऐ।
- जम्मू दे आर.एस. पुरा च अंतर्राष्ट्री बन्ने कश, बीएसएफ नै इक पाकिस्तानी घुसपैठिए गी मारी–मुकाया ऐ।
- रामबन पुलसै, जिले च आतंकवादी गतिविधिएं कन्नै जुड़ी दि'ए द'उं संपत्तिएं गी गैर–कनूनी गतिविधिएं दी रोकथाम सरबंधी कानून तैहत जब्त करी लैता ऐ।

<><><><><><>

PM-Srilanka

प्रधानमंत्री नरेन्द्र मोदी होरें अज्ज कोलंबो च श्रीलंका दे राष्ट्रपति अनुरा कुमारा दिशानायके हुंदे कन्नै दपक्खी गल्लबात कीती जेह्दा मकसद दवै गोआंढिएं बश्कार रणनीतिक ते विकासात्मक हिस्सेदारी गी मजबूत करना ऐ। दवै नेताएं दी मजूदगी च फहाजत ते ऊर्जा ानें बक्ख–बक्ख खेत्तरें च केई समझौते पर दस्तखत कीते गे न। सांझे संवाददाता सम्मेलन गी संबोधत करदे होई प्रधानमंत्री मोदी होरें आखेआ.....बाईट

श्रीलंका दे राष्ट्रपति अनुरा कुमारा दिशानायके होरें प्रधानमंत्री मोदी होरें गी मित्रा विभूषण पुरस्कार कन्नै सम्मानित कीता। श्रीलंका दे राष्ट्रपति होरें इस गल्लै गी फही पक्का कीता जे उंदा देश अपने खेत्तर दा इस्तेमाल भारत दी सुरक्षा जां खेत्तरी स्थिरता दे खलाफ कुसै बी चाल्ली कन्नै नेई होन देग।

<><><><><><>

HM Visit

गृह मंत्री अमित शाह होर कल खित्ते दे सुरक्षा हालात दा जायजा लैने लेई जम्मू–कश्मीर दे दौरे पर आवा'रदे न। इस मौके पर ओह सुरक्षाबलें कन्नै गल्लबात बी करडन। शाह हुंदे इस दौरे लेई सभ्मै लोड़चदे बंदोबस्त करी

लैते गेदे न। शाह होर अपने इस दौरे दरान जम्मू च बीजेपी विधायकें कन्नै बैठक लाने दे अलावा द'उं होर बक्ख-बक्ख सुरक्षा समीक्षा बैठकें दी बी प्रधानता करडन। इ'दे चा इक बैठक एकीकृत कमान मुख्यालय ते दुई सलाना श्री अमरनाथ जी दी जात्तरा दे बारै च होग। इ'नें बैठकें दरन मेद ऐ जे आतंकवाद-रोधी अभियानें, बन्ने पारा थमां घुसपैठ दे जतनें ते जम्मू-कश्मीर दे पूरे-पराते सुरक्षा हालात बारै बी चर्चा कीती जाई सकदी ऐ। तोआई श्री शाह होर श्रीनगर थमां करोड़ें रुपें दिऐ विकास परियोजनाएं दा वर्चुअल ढंग्गै'नै उद्घाटन ते नीह पत्थर बी रखडन।

<><><><><><>

Sakeena Reservation

आरक्षण नीति दे सरबंघै च जारी चैंताएं गी हल करने दी इक कोशश दे तैहत समाज कल्याण मंत्री सकीना इत्तू होरें अज्ज अनंतनाग च इक संवाददाता सम्मेलन गी संबोधित करदे होई इस मामले गी पारदर्शिता ते संजीदगी कन्नै हल करने दी सरकार दी वचनबद्धता गी फही पक्का कीता। उ'नें आखेआ जे इस मामले दी जांच लेई खडेरी गेदी मंत्रिमंडल दी उप-कमेटी, इस सरबंघै च केई सारे डेलीगेशनें कन्नै मलाटी करोग। मुख्यमंत्री ओमर अब्दुल्ला हुंदी अगुवाई तैहत सरकार, सभ्मनें सरबंघत धड़ें कन्नै गल्लबात करने ते आरक्षण नीति च पारदर्शिता ते निरपक्खता जकीनी बनाने लेई पूरी चाल्ली संजीदा ऐ। उ'नें आखेआ

<><><><><><>

CS Drug Abuse (byte)

मुख्य सचिव अटल डुल्लु होरें केन्द्र शासित प्रदेश च नशीले पदार्थें दी माड़ी कवैतू बारै बड्डे-पैमाने पर जागरूकता अभियान रम्भने लेई तैयारिएं दा जायजा लैने गितै जम्मू आहले सिविल सैक्रेटेरिएट च इक उच्ची सतह दी बैठक दी प्रधानता कीती। इस अभियान दा मकसद लोकें गी नशीले पदार्थें करी समाज ते सेहत पर पौने आहले माड़े असर बारै जानकार बनाना ऐ। इस मौके उपपर सरबंघत डिप्टी कमिशनरें गी अभियान लेई कीती गेदी तैयारिएं बारै जानकारी दित्ती गेई जि'दे च सूचना विभाग आसेआ चलाई जाने आहली हफतावार पॉडकॉस्ट श्रृंखला बी शामिल ऐ। इस सरबंघै च आकाशवाणी समाचार कन्नै गल्ल करदे होई मुख्य सचिव अटल डुल्लु होरें आखेआ

<><><><><><>

Pak Intruder Dead

जम्मू च अंतर्राष्ट्रीय बन्ने पर कल चिरे रातीं इक पाकिस्तानी घुसपैठिये गी बी.एस.एफ दे चोकन्ने जवानें मारी मकाया। बी.एस.एफ दे जम्मू दे पीआरओ मताबक बीएसएफ दे जवानें गी 4 ते 5 अप्रैल दी मझाटली रातीं आर.एस. पुरा सेक्टर च संदिग्ध गतिविध दा पता लग्गा। जिसलै घुसपैठिये ने अंतर्राष्ट्रीय बन्ना टप्पेआ ते चेतावनिएं गी नजरअंदाज करी दित्ता तां सैनिकें उसी मारी मकाया। एह घुसपैठ दी कोशश अब्दुलियां बन्ने दी पोस्ट पर होई ही। घुसपैठिये दी पंछान ते ओह्दे मकसद दा पता लाया जा'रदा ऐ। बीएसएफ दे प्रवक्ता नै आखेआ जे घटना

गी लेइयै पाकिस्तान कन्नै सख्त विरोध दर्ज कीता जा'रदा ऐं तोआई पुलस नै घुसपैठिये दी लोथ पोस्टमार्टन ते होरने कनूनी औपचारिकताएं आस्तै भेजी दित्ता ऐ।

<><><><><><>

Properties Seized

जम्मू-कश्मीर च आतंकवाद दे समूलचे नास लेई रामबन पुलसै, आतंकवाद दा समर्थन करने आहलें दे खलाफ कानूनी कार्रवाई कीती ऐ। इक बड्डी गैह दे तैहत रामबन दे एसएसपी कुलबीर सिंह होरें दस्सेआ जे गूल इलाके च मोहम्मद शरीफ ते मोहम्मद युसुफ दिएं द'उं संपत्तिएं गी गैर-कनूनी गतिविधिएं दी रोकथाम आहले कानून तैहत जब्त कीता गेआ ऐ। एह दौनें जने, बन्ना पार करियै पाकिस्तान चली गेदे न ते उं'दिआं एह संपत्तियां आतंकवादी गतिविधिएं कन्नै सरबंधत न। इस बारै च होर मती जानकारी दिं'दे होई रामबन दे एसएसपी होरें दस्सेआ

<><><><><><>

Shri Mata Vaishno Devi

दुर्गा अष्टमी दे पवित्तर मौके उप्पर अज्ज श्री माता वैष्णो देवी जी दे दरबार च श्रद्धालुएं दा खरा मता रश दिक्खने गी लब्भा'रदा ऐ। ज्हारां-बद्धे श्रद्धालुएं माता रानी दा अर्शीवाद लैने लेई कटरा पुज्जा बी करदे न। कल मनाए जाने आहले राम नौमीं दे पवित्तर मौके उप्पर कटरा कस्बे च सुरक्षा सने होर दुए सभ्भै बंदोबस्त करी लैते गेदे न। श्रद्धालुएं दी सुरक्षा लेई बाददू जांच नाके स्थापित करने दे कन्नो-कन्नी सुरक्षाबलें आसेआ नियमित गश्त ते सीसीटीवी कैमरें दे राहें बी निगरानी कीती जा'रदी ऐ। श्राईन बोर्ड नै सभ्भनें श्रद्धालुएं गी अपील कीती जे ओह सुरक्षाबलें कन्नै सैहयोग करदे होई अपनी बवस्थित जात्तरा लेई सभ्भनें दिशा-निर्देशों दी पालमा जकीनी बनान। इस सरबंधै च आकाशवाणी समाचार कन्नै गल्ल करदे होई इक श्रद्धालु नै गलाया

<><><><><><>

Doda Cricket

लैंगिक बरोबरी दी दिशा च इक महत्वपूर्ण गैह पुट्टदे होई जिला प्रशासन डोडा आसेआ द्रोणाचार्य स्पोर्ट्स क्लब दे सैहयोग कन्नै सरकारी डिग्री कॉलेज दे मैदान च महिलाएं दे क्रिकेट मैच दा आयोजन कीता गेआ। बेटी बचाओ-बेटी पढ़ाओ आहली पैहलकदमी दे तैहत आयोजन इस कार्यक्रम दा मकसद कुड़िएं गी बा-अख्तियार बनाना ते खेड्डें च उं'दी सक्रिय भागीदारी गी बढ़ावा देना ऐ। डोडा दे डिप्टी कमिशनर हरविंदर सिंह होर कार्यक्रम दे मुख्य परौहने हे ते उं'नें इस मौके उप्पर सभ्भनें खेत्तरें च कुड़िएं लेई बरोबर दे मौकें दी हिमायत कीती।

<><><><><><>

Udhampur Farming(Dispatch)

उधमपुर जिले च राई—बाई दे तौर तरीके च उप्परोतली बदलाव ते सुधार दिक्खने गी लब्बै करदा ऐ। केई करसान सरकार आस्सेआ चलाई जा'रदी स्कीमें दा पूरा पूरा फायदा हासल करदे होई खेती करसानी ते एह्दे नै जुड़े दे होरने क्षेत्र च नमिएं तकनीकें ते सांइसी ढंग यरिस्ते अपनाइयै बेह्तर तरीके नै कम्म करा करदे न। मते करसान सरकारी मदद कन्नै नमीं तकनीक पर आधारित पॉली हाउस बना करदे न। जिले च मैह्कमा राई—बाई आस्सेआ 10 हाईटैक ते 39 घट्ट लागत आले पॉली हाउस तैआर कीते गेदे न।

<><><><><><>